

新纂雲南通志

第八
函
十冊

新纂雲南通志卷一百四目錄

宗教考四

佛教四

元初禪宗之傳入與授法

雄辯

玄堅 玄妙 玄惠

玄通

雲林 明護

定林

玄鑑

大休

無念 本空 慧喜

普祥 崇照

大雲

指空

元代遊方求法之高僧

玄鑑

普通 普福 普元

圓護 定林

崇照 慧喜

海印 月智

元代僧官持教與皇官士民之禪悅

省官興寺與總持

士族興寺

士人僧徒興寺

尊崇釋子

元代藏經之傳佈與高僧撰述

筇竹寺 圓通寺 報恩寺

華亭寺

眞覺寺 棲賢寺

雄辯

妙觀

普瑞

玄通

1

新纂雲南通志卷一百四

宗教考四

佛教四

元初禪宗之傳入與授法

雄辯

郭文重修玉案山筇竹禪寺記

宣德九年

曰「滇人所奉皆西域密教初無

禪講宗也前元旣一南詔鄯闡人有雄辯大師者以奧學宏器歸自

中華始倡講宗於茲寺滇之緇流俊秀者翕然從之而其道日振自

是名藍巨剎彌布遐邇南詔之有僧宗師實啟之也」

楊載撰大元洪鏡雄辯法師大寂塔銘

至大四年

曰「師俗姓李氏生鄯闡

城少事國師楊子雲爲上足弟子世祖口口破大理之明年師始至

中國留二十五年所更事者四師皆當世大德最後登班集之壇嗣
壇主之法其口口口道大備喟然嘆曰佛之種子不絕於世矯矯龍
蛇豈擇地而行吾其南歸壇主以其言告於帝師爲璽書以賜之曰
洪鏡具大猛志其歸國而國人號雄辯法師口烏焚人說法口口口
口嚴經維摩詰經口口口口口以焚人之言按演繹紀雄辯法師傳
曰師解焚人之言爲書於是其書
盛傳解者益衆圓鼎續釋紀雄辯傳即摘錄此
碑碑文及考証已詳金石考雄辯至中國留二十五年則至元十
七年始歸所事四師不詳其名而歸至南土宣教者爲禪宗師以焚
人之言爲書足證其時禪宗尙未廣佈從俗爲教郭文以爲滇南禪
宗啟自雄辯非虛語也

雄辯法嗣弟子盛於滇池尹具瞻撰清淨寺開山祖師舍利寶塔並

行業記

至正二
十一年

曰「聞元峯雪菴雲林三大宗主之德親依座右無不

傳其所得道者按此三僧並雄辯高足弟子也

玄堅 玄妙 玄惠

述律杰撰玉案祖師雪菴塔銘

至正十六年

曰「雄辯宗主雪菴嗣之象教

昭垂倬有清規」演釋紀玄堅傳曰「雪菴宗主姓王氏古滇龜城

人至元甲申禮雄辯法師披剃親授指南而師曉夕惟勤學業講習

摩訶衍四絕論并圓覺等論又受宗教禪師衣鉢嗣爲講仁大德庚

子雄師復畀以山門法席俾繼承之

按此傳當摘錄塔銘今塔碑已剝落故取傳文

雪菴自是住持筇

竹寺至延祐六年己未示寂其徒智圓鏡融嗣之

見塔銘

又據演釋紀玄

堅傳至元癸巳初創大德寺雪菴爲住持而雄法師塔錄曰「弟子

玄妙玄堅爲起塔於玉案寺」末書嗣法比丘住持玉案山玄堅立

石嗣法比丘前住持大德寺玄妙玄惠智福智常智定立蓋後玄堅

住持玉案山而大德寺則玄妙玄惠繼之也

玄通

述律杰撰啟建華亭山大圓覺禪寺碑文

至正四年

曰「玄通字元峰玉案

雄辯法師之高弟寶積壇主之嗣孫也延祐庚申秋駐錫於此因結

茆庵住」自後募檀越建殿宇僧舍爲滇池名利焉

按詳見碑文

玄通善屬

文富民靈芝山慈勝蘭若碑即署滇池華亭山住持沙門元峰道人
玄通撰」碑立於至治三年是時玄通適啟建華亭寺也

雲林 明護

尹具瞻撰清河郡釋明護墓誌銘

至正十一年

曰「在俗之日創建清淨山

正殿至正二年內乃投雲居山雲林宗主披薙受授嗣法號曰釋明

護」又行業記曰「雲公見聞舉止曰禪林冰鑑覺苑先聲不負開

山苦行而踐履真實遂持錫杖衣鉢命師繼主雲居法席同其徒自
與主持雲居清淨二刹」按雲林爲雄辯法嗣未見明文惟行業記
舉元峰雪菴雲林爲三大宗主當日滇池佛門之足數者豈僅此三
僧而言三僧爲宗主者乃門戶之見則雲林與元峰雪菴同嗣雄辯
可知也雲居寺見景泰志節竹寺下又萬曆志曰在玉案山則當時
猶爲名刹今已廢也

定林

玄通撰創建靈芝山慈勝蘭若碑

至治三年

曰「慧公講師字定林乃雄辯

法師口口弟也炙輠其辭冰雪其行業擅于圓覺溥志淨土其立志
確乎不可拔」則慧公亦雄辯法嗣以玄堅諸法名觀之擬本名玄

慧也

玄鑑

太華山佛嚴寺無照玄鑑禪師行業記曰「師諱玄鑑字無照原籍曲靖普魯吉人父高姓母董氏送入虎邱寺禮雲巖淨公剃落經行稍壯即請益領參於筇竹雄辯法師淨公遷化師盡棄所學單看狗子無佛性話往見友人雪菴自陳蒲團上事菴謂曰參禪一着縱死盡偷心斷絕諸緣更要見人始得師聞之即發誓參方」
碑文詳金石考遊方事蹟見後

玄鑑初從雄辯習也

按碑爲明人僞作此當據傳說或有所本

大休

李源道創修圓通寺記

延祐七年

曰「住持僧佛日圓照普覺大師大休大

禪師弘覺大師普圓講主廣慧大師普政軌行高潔宗風振焉」按佛日大休普圓普政並當日滇池高僧滇釋紀謂佛日爲高昌人不

審何本惟大休廣播佛法於滇中疑普圓普政即其徒之居圓通寺者也

滇釋紀曰「大休禪師不識何許人嗣法雪巖禪師至元十五年師飛錫南來住圓照山興祖寺時梁王也先等欽崇皈依敬大開法席弘闡宗猷御賜藏經并賜大休大禪師之號又重建圓通普照等剎至延祐丁巳順世授法無念禪師」按五燈全書卷四十九有南嶽二十世臨濟宗袁州仰山雪巖祖欽禪師傳曰浙之婺州人爲經山範禪師法嗣至元丁亥以後卒慶源撰大盤龍菴大覺禪師寶雲塔銘曰「臨濟義玄十六傳至雪巖祖欽貫達眞宗者罕出其右」雪巖即大休之師也大休居圓照山興祖寺不審其處萬曆志卷十三雲南府寺觀曰「圓照寺在玉案山腹」不識即興祖寺否大休至滇

與雄辯歸滇爲同時當有往還然不獲見於紀錄

大休禪師授法弟子之可考者

無念 本空 慧喜

興祖寺住持授其徒無念無念傳之性海明洪武初入覲其事跡當詳於下文

支渭興重修五華寺記

至正二十八年

曰「慶堂法號諱慧喜乃官渡萬夫長

趙天祥之伯仲昆弟年弱冠雍染於圓照大休禪師之高弟本空和尚至正壬寅會茲寺久乏住持僉議啟于梁王因請爲住持視今僅七閱年說法度人數百餘曾受其戒牒五千餘人按本空爲圓照寺僧不識即無念之別名否

普祥 崇照

慶源撰大盤龍庵大覺祥師寶雲塔銘

至正壬子即
直光二年

曰「師俗姓段氏滇

之晉寧人係大理白選官之苗裔年二十九投昆陽普照山大休禪

師高弟雲峰和尚祝髮受具諱崇照號蓮峯授以趙州狗子無佛性

話令四威儀中密密體究師晝作夜禪勤苦嚴勵視晏安如酖毒以

糠覈替餼糧三載之間始終如一本師器之以爲吾宗不墜正在此

子」按景泰志曰「普照寺在昆陽州治西五里建置於元之延祐

七年」則大休示寂後始建

興禪釋紀異
不詳孰是

而雲峰當爲開山住持雲峰事

蹟不獲詳考惟善屬文精書法今見富民靈芝寺碑署「首座沙門

雲峰普祥書丹」官渡妙湛寺碑署「昆陽長松山普照寺沙門雲

峰普祥撰並書丹」晉寧金砂寺碑署「滇水圓照沙門雲峰普祥

撰」觀所署款亦可知普祥從圓照寺大休受法而住持普照寺也

以普祥之名知曾居圓通寺之普圓普政亦大休弟子也

大雲

天啟志卷十七引滇志草曰「明正統間僧古庭寓三泊大雲寺夢白衣大士謂曰木樨樹下有碑在覺而掘之果得古碑記大雲梵刹崖略」此碑蓋創寺時所立惜已不傳

滇釋紀曰「大雲和尚不知何許人也或云少以義經登進士居長安邸中夢大士拊其背曰子於空門大有宿緣覺而白光滿室香氣襲人因棄官禮大覺和尚祝髮遂遊天台習止觀教繼入滇錫三泊大雲山創華嚴寺因號大雲時緇徒履滿蘭若元統間還大都不知所終」則大雲爲天台宗入滇建寺然不詳其行業弟子也

指空

楊興賢撰獅山正續寺碑記

延祐七年

曰「至大辛亥蜀僧長老朝宗飛錫

至止師歸西蜀之後有西竺指空禪師遊方憇此絕粒危坐脇不粘席開闢正覺誘掖緇俗慕其化受信具者比比有焉佛殿旃檀經始於乙卯之春僧堂香積落成於庚申之夏一方之壯觀也朝宗開之於前指空成之於後」

按蜀僧朝宗事蹟不獲考西竺指空禪師武定府志有傳僅二十三字即錄自碑文惟日本大正藏史傳部有李穡撰西天提納簿陀尊者浮圖銘並序曰「迦葉百八傳提納簿陀尊者禪賢 (Sangbab-

badra)

號指空師自言吾之化行中國也遇北印度摩訶班特達於

西番偕至燕京居未久西遊長安王府又去伽單其主護送至蜀禮

普賢巨像坐禪三年大毒河

按大度河

遇盜又赤立而走羅羅斯界有僧施

一禪被有女施一小衣乃應檀家供同齋禪得放生鵝欲烹而食之
吾擊其婦婦哭僧怒見逐吾聞土官塑吾像水旱疾疫禱必應金沙
河關吏見吾婦人衣髮又長怪而問奚自吾言語不通書西天字又
非所知也於是留之晚隄石隙而臥不覺少間至彼岸渡子異吾禮
拜雲南城西有寺上門樓入定居僧請入城至祖變寺

按祖遍寺
即大德寺

坐桐樹

下是夜雨旣明衣不濡赴其省祈晴立應坐夏龍泉寺書梵字般若
經衆聚乏水吾命龍引泉濟衆大理國吾規衆味但食胡桃九枚度
日金齒烏撒烏蒙一部落也禮吾爲師塑像廟之吾聞無賴子以吾
像禪棒擲之地而不能舉悔謝取安如故安寧州僧問昔三藏入唐
伏地知音時吾會雲南語應曰古今不同聖凡異路請說戒經燃頂
焚臂官民皆然中慶路諸山請演法凡五會太子禮吾爲師羅羅人